



Broj: 16-12-16-7206- 8 /20  
I. Sarajevo, 01.12 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu broj 16-12-16-7206/20 od 26.11.2020. godine, u postupku javne nabavke motornih vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku motornih vozila za potrebe Državne agencije za istrage i zaštitu

#### Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2020. godini broj 16-12-16-7206/20 od 26.11.2020. godine i ugovor za javnu nabavku motornih vozila za potrebe Državne agencije za istrage i zaštitu dodjeljuje se:

- Ponuđaču "GUMA" d.o.o. Mostar, ponuda broj 16-12-16-7206-6/20 od 16.11.2020. godine, za ponuđenu cijenu 34.900,00 KM bez uračunatog PDV-a.

#### Član 2.

(1) Ponuđač "GUMA" d.o.o. Mostar, obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 3.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

Ova odluka stupa na snagu danom donošenja.

### O b r a z l o ž e n j e

Odlukom direktora Državne agencije za istrage i zaštitu broj 16-12-16-7206-1/20 od 03.11.2020. godine pokrenut je postupak javne nabavke dva motorna vozila za potrebe Državne agencije za istrage i zaštitu (u daljem tekstu: Agencija), procijenjene vrijednosti 35.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 17.11.2020. godine do 13,00 sati, te da se ponude dostavljaju u zatvorenoj koverti, Komisija je dana 17.11.2020. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljena jedna ponuda i to:

Redni broj	Naziv ponuđača	Vrijednost ponude (bez PDV-a)
1.	„GUMA M“ d.o.o. Mostar	34.900,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja prihvatljivosti dostavljene ponude, te kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač „GUMA M“ d.o.o. Mostar ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđač ispunjava i formalno-pravne uslove postavljene u u Konkurentskom zahtjevu.

Za postupak javne nabavke motornih vozila za potrebe Agencije predviđeno je bilo provođenje e-aukcije, ali obzirom da je zaprimljena jedna prihvatljiva ponuda e-aukcija nije provedena, u skladu sa članom 3. stav (3) Pravilnika.

Nakon pregledanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 8. Konkurentskog zahtjeva, konstatujući da ponuda ne podliježe primjeni preferencijalnog tretmana domaćeg, te je sačinila listu ocijenjene ponude, kako slijedi:

Redni broj	Naziv ponuđača	Vrijednost ponude (bez PDV-a)
1.	„GUMA M“ d.o.o. Mostar	34.900,00 KM

Nakon provednog postupka ocjenjivanja dostavljene ponude, Komisija je utvrdila da je ponuda ponuđača „GUMA M“ d.o.o. Mostar ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne

nabavke motornih vozila i da ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor u postupku javne nabavke dva motorna vozila za potrebe Agencije dodjeli ponuđaču „GUMA M” d.o.o. Mostar, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

